

STATUT  
SHOQËRI ME PËRGJEGJËSI TË KUFIZUAR  
“ARTINGO -001 SHPK”  
SHPK

TITULLI I  
EMËRTIMI I SHOQËRISË, SELIA, KOHËZGJATJA

**Neni 1 – Emërtimi i Shoqërisë**

**Eshtë themeluar në përputhje me legjislacionin shqiptar një shoqëri “ARTINGO-001SHPK” SHPK**

- 1.1 (këtej e tutje referuar si “Shoqëria”).  
1.2 Shoqëria ka vulë dhe logon e saj zyrtare.

**Neni 2 – Selia**

Selia e Shoqërisë është në adresën; **Blv . Bajram Curri Pallati NCE, 298/5, Tirane**. Shoqëria mund të hapë apo mbyllë filiale, degë dhe/ose zyra përfaqësimi në Shqipëri apo jashtë saj.

- 2.1 Për sa i përket marrëdhënieve midis Shoqërisë dhe ortakëve, adresa e secilit prej ortakëve është ajo që është shënuar në regjistrin e ortakëve të Shoqërisë. Në rast se kjo adresë ndryshon, ortaku i interesuar duhet të njoftojë menjëherë me shkrim Shoqërinë dhe ndryshimi duhet të pasqyrohet në regjistrin e ortakëve të Shoqërisë.

**Neni 3 – Kohëzgjatja**

- 3.1 Kohëzgjatja e aktivitetit të Shoqërisë është e pakufizuar.

TITULLI II  
OBJEKTI

**Neni 4 – Objekti**

- 4.1 Objekti i Shoqërisë do të përfshijë, por pa u kufizuar, aktivitetet e mëposhtme: Import- eksport dhe tregti me shumice dhe pakice e artikujve; te ndryshem pa kufizim, materiale ndertimi, konfeksione, mallra te ndryshem. Marredhenie me kliente juridik dhe individ si dhe konsulence ne lidhje me aktivitetin.

TITULLI III  
KAPITALI, KUOTAT, TRANSFERIMI I KUOTAVE

**Neni 5 - Vlera e kapitalit të regjistruar**

- 5.1 Kapitali themeltar i shoqërisë është **100.000 (njëqind mijë) lekë**, zoterues i 1 (kuote) te shoqërisë, duke përfaqësuar 100 % (njëqind perqind) te kapitalit me te drejte vote.-+
- 5.2 Pronësia mbi kapitalin themeltar të Shoqërisë u perket ortakëve themelues sipas përcaktimeve të kontributeve në nenin 6 të këtij statuti.

**Neni 6 – Kontributet**

- 6.1 Kontributi në kapitalin themeltar të shoqërisë është si më poshtë:

Emri i ortakut	Pjesëmarrja në përqindje (%) sipas kuotave
ENTON DINGU	100 % (Nje qind)

**Neni 7 – Pjesët e kapitalit themeltar**

- 7.1. Kapitali themeltar i shoqërisë është **100.000 (njëqind mijë) lekë**, zoterues i 1 (kuote) te shoqërisë, duke përfaqësuar 100 % (njëqind perqind) te kapitalit me te drejte vote.

### **Neni 8 – Zmadhimi dhe zvogëlimi i kapitalit themeltar**

- 8.1 Asambleja e ortakëve mund të vendosë të zmadhojë kapitalin me shumicë të kualifikuar në përputhje me nenin 12.3 të statutit.
- 8.2 Asambleja e ortakëve mund të vendosë të zvogëlojë kapitalin e Shoqërisë duke respektuar vlerën minimale të parashikuar nga ligji për “Tregtarët dhe shoqëritë tregtare” Nr. 9901, date 14.4. 2008, sipas procedurave të parashikuara në nenin 12.3 të statutit.

### **Neni 9 – Kuotat / Transferimi i Kuotave**

- 9.1 Ortaku i vetem ka të drejte të transferoje pjeserisht apo teresisht kontributet e tij perfshire dhe fondet e Kontributet ne natyre. Transferimet e pjeseve të kapitalit themelor, duhet të jene të vertetuara me akt noterial dhe me shkrim.
- 9.2 Pjeset e kapitalit themelor jane lehtesisht te transferueshem ne rruge trashegimie sipas dispozitave te Kodit Civil dhe atij Tregtar. Bashkeshorti dhe pasardhesit mund te behen ortake ne Shoqeri nepermjet trasferimit te pjeseve te kapitalit dhe sipas kushteve te parashikuara me ligj.
- 9.3 Shoqeria mund te kete edhe kontribute te tjera ne natyre. Ketu perfshihen te gjitha sendet e paluajteshme ne sherbim te shoqerise, si dhe ato te luajteshme, te cilat kalojne ne pronesi te shoqerise.

## **TITULLI IV**

### **SEKSIONI I**

#### **ORGANET E SHOQËRISË**

#### **Neni 10 – Organet e Shoqërisë**

- 10.1. Organet e Shoqërisë janë:
  - 1) Asambleja e ortakëve;
  - 2) Administratori/ët; dhe
  - 3) Eksperti(ët) kontabël.

### **SEKSIONI II**

#### **ASAMBLEJA E PËRGJITHSHME**

#### **Neni 11 – Asambleja e ortakëve**

- 11.1 Asambleja e ortakëve është organi vendimmarrës i Shoqërisë dhe përbëhet nga të gjithë ortakët e Shoqërisë.
- 11.2 Çdo ortak ka të drejtën të marrë pjesë në Asamblenë e ortakëve, të shprehë mendimin e tij dhe të japë aq vota sa kuota zotëron.
- 11.3 Çdo ortak mund të përfaqësohet në Asamblenë e ortakëve nga një person tjetër, jo domosdoshmërisht ortak, në bazë të një prokure me shkrim. Në çdo rast, prokura mund të jepet vetëm për një mbledhje të Asamblesë së ortakëve dhe është e vlefshme edhe për thirrjen e saj.
- 11.4 Një ortak nuk mund të lëshojë një prokurë për një pjesë të kuotave që ai zotëron dhe të votojë personalisht për pjesën tjetër të këtyre kuotave.
- 11.5 Asambleja e ortakëve mund të mbledhet në një vendndodhje të ndryshme nga selia e Shoqërisë, brenda Republikës së Shqipërisë ose jashtë saj.
- 11.6 Asambleja e ortakëve thirret nga Administratori/ët sa herë që të jetë e nevojshme për interesat e Shoqërisë ose në rast se kërkohet nga legjislacioni në fuqi apo ortakët, të cilët zotërojnë të paktën 5% (pesë përqind) të kapitalit. Në çdo rast, Asambleja e ortakëve duhet të thirret të paktën një herë në vit, brenda muajit Qershor, me qëllim diskutimin, shqyrtimin dhe miratimin e bilancit vjetor të vitit ushtrimor të mëparshëm.



- 11.7 Njoftimi për thirrjen e Asamblesë së ortakëve duhet të bëhet me letër rekomande me njoftim marrjeje, të dërguar në adresën e ortakëve ose me postë elektronike në adresën elektronike të ortakëve të paktën 21 (njëzet e një) ditë përpara datës së caktuar për mbledhjen e asamblesë.
- 11.8 Njoftimi duhet të përmbajë informacion mbi çështjet që do të diskutohen dhe mbi të cilat do të merret vendim, vendin, orën dhe datën e thirrjes së parë dhe të dytë, si edhe procedurat e detajuara të pjesëmarrjes dhe të votimit, informacion mbi vendin dhe mënyrat e marrjes së dokumentacionit dhe projekt vendimeve të asamblesë si edhe elementet e tjera të përcaktuara nga legjislacioni në fuqi.
- 11.9 Asambleja e ortakëve do të quhet e thirrur dhe e mbledhur rregullisht edhe nëse nuk respektohen të gjitha formalitetet e thirrjes, nëse të gjithë ortakët që përfaqësojnë të tërë kapitalin e Shoqërisë janë të pranishëm në mbledhje ose të përfaqësuar me prokurë dhe shprehen dakord për të zhvilluar mbledhjen e asamblesë pavarësisht parregullsive në thirrjen e saj.
- 11.10 Asambleja e ortakëve mund të mbahet edhe me pjesëmarrjen e personave në vende të ndryshme dhe mund të mbahet edhe me anë të telekonferencës apo video konferencës, ose mjete të tjera elektronike të ngjashme me kusht që të gjithë të pranishmit të mund të identifikohen dhe t'u jepet mundësia për të ndjekur diskutimet dhe për të marrë pjesë në to.
- 11.11 Asambleja e ortakëve drejtohet nga kryetari, i cili emërohet midis ortakëve të pranishëm ose të përfaqësuar në mbledhje. Nëse nuk kërkohet prania e një noteri publik, Asambleja e ortakëve duhet të emërojë një sekretar, i cili mund të jetë një prej ortakëve ose një person tjetër.
- 11.12 Kryetari i mbledhjes ka kompetenca të plota për të kontrolluar prokurat dhe rregullsinë e tyre, të drejtën e ortakëve dhe përfaqësuesve të tyre për të marrë pjesë në Asamblenë e ortakëve, dhe për të përcaktuar nëse asambleja është mbledhur rregullisht dhe nëse është arritur kuorumi i domosdoshëm për të marrë vendime të vlefshme. Kryetari ka gjithashtu të drejtën për të drejtuar diskutimet dhe përcaktuar metodat dhe procedurat e votimit në respektim të dispozitave përkatëse për votimin të përcaktuar në këtë statut.
- 11.13 Në rast së Shoqëria mbetet vetem me një ortak, i cili zotëron të tërë kapitalin e Shoqërisë, vendimet e marra do të regjistrohen në regjistrin e vendimeve, të dhënat e të cilit nuk mund të ndryshohen apo fshihen.

#### **Neni 12 – Kuorumi dhe kompetencat e Asamblesë së Ortakëve**

- 12.1. Në rast vendimesh të zakonshme, Asambleja e ortakëve mund të marrë vendime të vlefshme vetëm nëse janë të pranishëm ortakët që zotërojnë më shumë se 51% (pesëdhjetë e një përqind) të kuotave me të drejtë vote. Nëse Asambleja e ortakëve nuk mund të mbledhet për shkak të mungesës së kuorumit në thirrjen e parë, asambleja mund të mbledhet përsëri me të njëjtin rend dite brenda dhe jo më vonë se 30 (tridhjetë) ditë pas thirrjes së parë. Vendimet e zakonshme merren me shumicë të thjeshtë 50+1 (pesëdhjetë plus një) pra me votën pro të shumicës së ortakëve që përfaqësojnë mbi 51% (pesëdhjetë e një përqind) të kuotave.
- 12.2 Asambleja e ortakëve mund të marrë vendime të zakonshme mbi çështjet e mëposhtme:
- a) përcaktimin e politikave tregtare;
  - b) emërimin dhe shkarkimin e ekspertëve kontabël të autorizuar dhe likuiduesve;
  - c) emërimin dhe shkarkimin e administratorit/ve.
  - d) miratimin e shpërblimeve për personat e përmendur në paragrafin (b) dhe (c);
  - e) përfaqësimin e Shoqërisë në gjykatë dhe në proçeset gjyqësore ndaj anëtarëve dhe administratorëve;
  - f) çdo çështje tjetër të përcaktuar nga ligji apo Statuti.
- 12.3 Në rast vendimesh të jashtëzakonshme, Asambleja e ortakëve mund të marrë vendime të vlefshme vetëm nëse janë të pranishëm të gjithë ortakët që përfaqësojnë 100% (njëqind përqind) të kuotave me të drejtë vote. Nëse Asambleja e ortakëve nuk mund të mbledhet për



shkak të mungesës së kuorumit në thirrjen e parë, asambleja mund të mbledhet përsëri me të njëjtin rend dite brenda dhe jo më vonë se 30 (tridhjetë) ditë pas thirrjes së parë. Vendimet e jashtëzakonshme merren me votën pro të të paktën 3/4 (tre të katërtat) e ortakëve të pranishëm apo të përfaqësuar.

- 12.4 Asambleja e ortakëve mund të marrë vendime të jashtëzakonshme mbi çështjet e mëposhtme:
- ndryshimin apo plotësimin e Statutit të Shoqërisë;
  - zmadhimin ose zvogëlimin e kapitalit;
  - ndryshimet në të drejtat që lidhen me kuotat ose çdo riblerje, blerje ose çdo fitim tjetër nga Shoqëria të çdo kuote apo garancive të tjera të Shoqërisë;
  - riorganizimin, shpërndarjen, transformimin, bashkimin, shkrirjen, ndarjen, likuidimin apo prishjen e Shoqërisë si edhe riorganizimin e Shoqërisë në një formë tjetër;
  - ndërmarrjen e çdo veprimi, i cili pritet në mënyrë të arsyeshme se do të çojë në likuidimin e Shoqërisë;
  - hapjen, blerjen apo shitjen e një filiali;
  - miratimin e pasqyrave financiare vjetore dhe të raporteve të ecurisë së veprimtarisë.

### SEKSIONI III ADMINISTRATORI

#### Neni 13 – Administratori

- 13.1. Asambleja e ortakëve emëron 1 (një) person fizik si Administrator të Shoqërisë, i cili mund të jetë ortak ose jo dhe që do të jetë përgjegjës për kryerjen e të gjitha veprimeve të administrimit të veprimtarisë tregtare të Shoqërisë, në zbatim të politikave tregtare të vendosura nga Asambleja e ortakëve, sipas kufizimeve të parashikuara nga ligji në fuqi dhe nga ky Statut.
- 13.2. Administratori emërohet për një afat 5 (pesë) vjeçar dhe mund të rizgjidhet.
- 13.2 Shoqëria merr detyrime me nënshkrimin e vetëm të Administratorit, sipas kufizimeve të parashikuara nga ligji në fuqi dhe nga ky Statut.
- 13.3 Administratori e Shoqërisë duhet t'i raportojë Asamblesë së ortakëve.
- 13.4 Administratori i Shoqërisë ka të drejtën dhe detyrimin për të përfaqësuar Shoqërinë në përputhje me parashikimet e këtij Statuti dhe ligjit në fuqi.
- 13.5 Administratori i Shoqërisë **Artingo-001 shpk do të jete Z. Enton Dingu.**

### SEKSIONI IV EKSPERTI/ET KONTABEL I/TE AUTORIZUAR

#### Neni 14 – Eksperti/ët kontabël i/të autorizuar

- 14.1. Auditimi i brendshëm i Shoqërisë kryhet nga një ose më shumë ekspertë kontabël të autorizuar të emëruar nga Asambleja e ortakëve për një vit financiar.

### TITULLI V VITI FINANCIAR, FITIMET

#### Neni 15 – Viti financiar

- 15.1 Viti financiar fillon më 1 (një) Janar dhe përfundon me 31 (tridhjetë e një) Dhjetor të çdo viti.
- 15.2 Përgjashtimisht viti i parë fillon në ditën e regjistrimit në QKB dhe përfundon më 31 (tridhjetë e një) Dhjetor të po atij viti.

#### Neni 16 – Fitimet

- 16.1 Fitimet që rezultojnë nga pasqyrat financiare vjetore, pasi të jenë zbritur të paktën 5% (pesë përqind) e kësaj vlerë si rezervë ligjore deri sa kjo rezervë të jetë e barabartë me 10% (dhjetë

- përqind) të kapitalit të regjistruar të Shoqërisë, dhe pasi të jenë zbritur të gjitha shumatat të cilat Asambleja e ortakëve ka vendosur të lërë mënjane si fonde të destinuara për investime apo rezervë për shoqërinë, i shpërndahen ortakëve me vendim të Asamblesë së ortakëve.
- 16.2 Asambleja e ortakëve mund të marrë vendime të jashtëzakonshme dhe të krijojë rezerva të tjera ose specifike sipas kuorumit të përcaktuar për marrjen e vendimeve në pikën 12.3 të këtij statuti.
- 16.3 Me vendim të jashtëzakonshëm të Asamblesë së ortakëve, shoqëria mund të vendosë të mos shpërndajë fitime duke respektuar rregullat e vendosura në pikën 12.3 të këtij Statuti.

## **TITULLI VI**

### **PRISHJA – NDARJA – BASHKIMI, LIKUIDIMI**

#### **Neni 17 – Prishja, Ndarja, Bashkimi, Blerja e Paketave Kontrolluese**

- 17.1 Shoqëria mund të priset për shkaqet e parashikuara nga ligji. Në rast prishjeje, Asambleja e ortakëve emëron një ose më shumë likuidues duke u caktuar kompetencat reciproke sipas pikës 12.2 të këtij statuti.
- 17.2 Shoqëria mund të ndahet apo bashkohet me vendim të jashtëzakonshëm të Asamblesë së ortakëve sipas pikës 12.3 të këtij statuti.
- 17.3 Shitja dhe blerja e paketave kontrolluese të kuotave të Shoqërisë nga një apo disa ortakë ekzistues të Shoqërisë, apo nga një palë e tretë do të bëhet me një vendim të jashtëzakonshëm të Asamblesë së ortakëve sipas pikës 12.3 të këtij statuti. Paketë kontrolluese të kuotave të shoqërisë do të konsiderohet blerja e çdo “Oferte kuotash”, e cila e bën blerësin pas blerjes pronar të një numri kuotash të barabartë me më shumë se 51% të kuotave të Shoqërisë.

#### **Neni 18 – Likuidimi**

- 18.1 Në rast prishje Shoqëria duhet të likuidohet.
- 18.2 Për të administruar këtë procedurë, Asambleja e ortakëve emëron një ose më shumë likuidatorë të cilët do të hartojnë raportin përfundimtar mbi aktivet dhe detyrimet e Shoqërisë, dhe mbi procedurat dhe kohën e duhur për likuidimin sipas pikës 12.2 të këtij statuti.
- 18.3 Në përfundim të procedurave të likuidimit, Asambleja e ortakëve do të vendosë mbi bilancin përfundimtar, punën e kryer nga likuiduesit dhe përfundimin e procesit të likuidimit sipas pikës 12.2 të këtij statuti.
- 18.4 Pas shlyerjes së kreditorëve dhe mbledhjes së kredive të mbetura, likuiduesit do të shpërndajnë ortakëve aktivet e mbetura në përpjesëtim me kuotat që ata zotërojnë.

## **TITULLI VII**

### **TE NDRYSHME**

#### **Neni 19 – Gjuha**

- 19.1. Ky Statut është hartuar në 3 (tre) kopje në gjuhën shqipe.

#### **Neni 20 – Dispozita Përfundimtare**

- 20.1. Çështjet që nuk parashikohen shprehimisht nga ky Statut do të rregullohen nga ligji shqiptar për “Tregtarët dhe Shoqëritë Tregtare”, Nr. 9901, Datë 14.4.2008 i ndryshuar.

\* \* \* \*

### **ORTAKU I VETEM THEMELUES/ADMINISTRATORI**

**ENTON DINGU**

ENTON DINGU

